

TILSKIPUN FRAMKVÆMDASTJÓRNARINNAR 2003/14/EB

2005/EES/49/13

frá 10. febrúar 2003

um breytingu á tilskipun 91/321/EBE um ungbarnablöndur og stoðblöndur (*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/398/EBE frá 3. maí 1989 um samræmingu laga aðildarríkjanna um sérfaði ⁽¹⁾, eins og henni var síðast breytt með tilskipun Evrópuþingsins og ráðsins 1999/41/EB ⁽²⁾, einkum 1. mgr. 4. gr.,

með hliðsjón af álitni visindanefndarinnar um matvæli,

og að teknu tilliti til eftirfarandi:

- 1) Í 6. gr. tilskipunar framkvæmdastjórnarinnar 91/321/EBE ⁽³⁾, eins og henni var síðast breytt með tilskipun 1999/50/EB ⁽⁴⁾, er kveðið á um að í ungbarnablöndum og stoðblöndum skuli ekki vera nein efni í því magni að stefnt geti heilsu ungbarna og smábarna í hættu.
- 2) Á grundvelli álitna visindanefndarinnar um matvæli frá 19. september 1997 og 4. júní 1998, er í tilskipun 91/321/EBE kveðið á um almennt hámarksgildi leifa sem nemur 0,01 mg/kg fyrir hvert það varnarefni sem finnst í ungbarnablöndum og stoðblöndum.
- 3) Þegar um er að ræða fá varnarefni eða umbrotsefni varnarefna gæti hámarksgildi leifa, sem nemur 0,01 mg/kg, jafnvel orðið til þess, í verstu tilvikum, að farið sé yfir viðtekinn dagskammt að því er varðar ungbörn og smábörn. Þetta á við um varnarefni eða umbrotsefni varnarefna ef viðtekni dagskammturinn fyrir þau er undir 0,0005 mg/kg líkamsþyngdar.
- 4) Í tilskipun 91/321/EBE er kveðið á um þá meginreglu að bannað er að nota þessi varnarefni í landbúnaðarafurðir sem eru ætlaðar til framleiðslu á ungbarnablöndum og stoðblöndum. Umrædd varnarefni skulu skráð í IX. viðauka við tilskipun 91/321/EBE.

Þetta bann þarf þó ekki að tryggja að afurðirnar séu með öllu án varnarefna af þessu tagi þar eð sum varnarefni menga umhverfið og leifar þeirra geta verið í viðkomandi afurðum.

- 5) Unnt er að vernda heilbrigði ungbarna og smábarna enn frekar með því að setja fram viðbótarkröfur og beita efnagreiningu til að ganga úr skugga um að þær séu uppfylltar án tillits til þess hver uppruni afurðanna er.
- 6) Flest varnarefnanna, sem um gildir að viðtekinn dagskammtur er undir 0,0005 mg/kg líkamsþyngdar, hafa þegar verið bönnuð í Bandalaginu eða verða bönnuð eigi síðar en í júlí 2003. Bönnuðu varnarefni skulu hvorki greinast í ungbarnablöndum né stoðblöndum þegar notuð er fullkomnasta greiningartækni sem völ er á. Sum varnarefni brotna þó hægt niður og menga umhverfið áfram. Þau gætu því enn verið í ungbarnablöndum og stoðblöndum þótt þau hafi ekki verið notuð við framleiðslu þeirra afurða sem eru notuð í þessi matvæli. Tilhögun við eftirlit verður alls staðar að vera eins.
- 7) Þar til framkvæmdastjórnin hefur skorið úr um hvort leyfð varnarefni uppfylli öryggiskröfurnar í 5. gr. tilskipunar ráðsins 91/414/EBE frá 15. júlí 1991 um markaðssetningu plöntuvarnarefna ⁽⁵⁾, eins og henni var síðast breytt með tilskipun framkvæmdastjórnarinnar 2003/5/EB ⁽⁶⁾, skal leyfa notkun þeirra áfram, að því tilskildu að leifar þeirra fari ekki yfir þau hámarksgildi leifa sem kveðið er á um í þessari tilskipun. Hámarksgildin skulu ákvörðuð þannig að tryggt sé að ekki sé, í verstu tilvikum, farið yfir viðtekinn dagskammt að því er varðar ungbörn og smábörn.
- 8) Breyta ber tilskipun 91/321/EBE til samræmis við þetta.
- 9) Ráðstafanirnar, sem kveðið er á um í þessari tilskipun, eru í samræmi við álit fastanefndarinnar um matvælaferli og heilbrigði dýra.

(*) Þessi EB-gerð birtist í Stj. ESB L 41, 14.2.2003, bls. 37. Hennar var getið í ákvörðun sameiginlegu EES-nefndarinnar nr. 107/2003 frá 26. september 2003 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbæti við Stjórnartíðindi Evrópusambandsins* nr. 64, 18.12.2003, bls. 13.

⁽¹⁾ Stj. ESB L 186, 30.6.1989, bls. 27.

⁽²⁾ Stj. ESB L 172, 8.7.1999, bls. 38.

⁽³⁾ Stj. ESB L 175, 4.7.1991, bls. 35.

⁽⁴⁾ Stj. ESB L 139, 2.6.1999, bls. 29.

⁽⁵⁾ Stj. ESB L 230, 19.8.1991, bls. 1.

⁽⁶⁾ Stj. ESB L 8, 14.1.2003, bls. 7.

SAMÞYKKT TILSKIPUN ÞESSA:

I. gr.

Eftirfarandi breytingar eru gerðar á tilskipun 91/321/EBE:

1. Ákvæði 6. gr. breytist sem hér segir:

— Eftirfarandi komi í stað 1. mgr.:

„1. Í ungbarnablöndum og stoðblöndum skulu ekki vera nein efni í því magni sem stefnt getur heilsu ungbarna og smábarna í hættu. Hámarksgildi, sem nauðsynlegt er að ákvarða fyrir önnur efni en þau sem um getur í 2. og 3. mgr., skulu ákvörðuð án tafar.“

— Eftirfarandi komi í stað 3. mgr.:

„3. a) Varnarefni, sem eru skráð í IX. viðauka, skulu ekki notuð í landbúnaðarafurðir sem ætlaðar eru til framleiðslu á ungbarnablöndum og stoðblöndum. Eftirfarandi gildir þó um eftirlit:

- i) varnarefni, sem eru skráð í töflu 1 í IX. viðauka, teljast ekki hafa verið notuð ef leifar þeirra eru ekki í styrk yfir 0,003 mg/kg. Þetta gildi, sem er álitid vera magngreiningarmörk greiningarinnar, skal endurskoðað reglulega með tilliti til tækniframfara,
- ii) varnarefni, sem eru skráð í töflu 2 í IX. viðauka, teljast ekki hafa verið notuð ef leifar þeirra eru ekki í styrk yfir 0,003 mg/kg. Þetta gildi skal endurskoðað reglulega með tilliti til gagna um umhverfismengun.

- b) Þrátt fyrir ákvæði 2. mgr., sem varða þau varnarefni sem skráð eru í X. viðauka, skal nota þau hámarksgildi leifa sem eru tilgreind þar.

Ef tekin er ákvörðun um að virkt efni verði ekki skráð í I. viðauka við tilskipun 91/414/EBE skal breyta IX. og X. viðauka við þessa tilskipun til samræmis við það að því er varðar þau varnarefni sem eru skráð í X. viðauka.

- c) Gildin, sem um getur í a- og b-lið, eiga við um afurðir sem eru tilbúnar til neyslu eða endurgerðar samkvæmt fyrirmælum frá framleiðendum.“

2. Í stað IX. viðauka komi I. viðauki við þessa tilskipun.

3. II. viðauki við þessa tilskipun bætist við sem X. viðauki.

2. gr.

1. Aðildarríkin skulu heimila viðskipti með afurðir, sem samræmast ákvæðum 3. mgr. 6. gr. tilskipunar 91/321/EBE, eigi síðar en 6. mars 2004.

2. Aðildarríkin skulu banna viðskipti með afurðir, sem samræmast ekki ákvæðum 3. mgr. 6. gr. tilskipunar 91/321/EBE, eigi síðar en 6. mars 2005.

3. gr.

Aðildarríkin skulu samþykkja nauðsynleg lög og stjórn-sýslufyrirmæli til að fara að tilskipun þessari eigi síðar en 6. mars 2004. Þau skulu tilkynna það framkvæmda-stjórninni þegar í stað.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

4. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

5. gr.

Tilskipun þessari er beint til aðildarríkjanna.

Gjört í Brussel 10. febrúar 2003.

Fyrir hönd framkvæmdastjórnarinnar,

David BYRNE

framkvæmdastjóri.

I. VIÐAUKI

„IX. VIÐAUKI

Varnarefni sem ekki má nota í landbúnaðarafurðir sem ætlaðar eru til framleiðslu á ungbarnablöndum og stoðblöndum.

Tafla 1

Efnaheiti (skilgreining leifar)
Dísúlfóton (summa af dísúlfótoni, dísúlfótonsúlfoxíði og dísúlfótonsúlfóni, gefin upp sem dísúlfóton)
Fensúlfóbíon (summa af fensúlfóbíoni, súrefnishliðstæðu þess og súlfónum þeirra, gefin upp sem fensúlfóbíon)
Fentin, gefið upp sem plúsíón trífényltins
Haloxýfóp (summa haloxýfóps, salta þess og estra, þ.m.t. samrunaefnasambönd, gefin upp sem haloxýfóp)
Heptaklór og <i>trans</i> -heptaklórepoxíð, gefið upp sem heptaklór
Hexaklórbensen
Nítrófén
Ómetóat
Terbúfos (summa af terbúfosi og súlfoxíði og súlfóni þess, gefin upp sem terbúfos)

Tafla 2

Efnaheiti
Aldrín og díeldrín, gefið upp sem díeldrín
Endrín“

II. VIÐAUKI

„X. VIÐAUKI

Sértæk hámarksgildi leifa varnarefna eða umbrotsefna varnarefna í ungbarnablöndum og stoðblöndum

Efnaheiti	Hámarksgildi leifa (mg/kg)
Kadúsafos	0,006
Demeton-S-metýl/demeton-S-metýlsúlfón/oxýdemetonmetýl (hvort um sig eða sameiginlega, gefið upp sem demeton-S-metýl)	0,006
Etóprófos	0,008
Fípróníl (summa af fípróníli og fípróníldesúlfínýli, gefin upp sem fípróníl)	0,004
Própineb/própýlenþíóþvagefni (summa própinebs og própýlenþíóþvagefnis)	0,006“